

AD SEXTAM.

**Capitulum.** Eccli. xxiv. b

**E**T sic in Sion firmata sum, et in civitate sanctificata similiter requievi, et in Jerusalem potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea.

**R. breve.** Adjuvabit eam, \* Deus vultu suo. Adjuvabit. **V.** Deus in medio ejus, non commovabitur. Deus. **Gloria.** Adjuvabit. **V.** Elegit eam Deus, et praelégit eam. **R.** In tabernaculo suo habitare facit eam.

AD NONAM.

**Capitulum.** Eccli. xxiv. b

**I**N platéis sicut cinnamomum, et balsamum aromatizans odorem dedi: quasi myrrha electa dedi suavitatem odoris.

**R. br.** Elegit eam Deus, \* Et praelégiteam. Elegit. **V.** In tabernaculo suo habitare facit eam. Et praelégit. **Gloria Patri.** Elegit. **V.** Diffusa est gratia in labiis tuis. **R.** Propterea benedixit te Deus in aeternum.

IN II. VESPERIS.

**Añæ et Capitulum ut in Laudibus.** [382]

**Psalmi et Hymnus ut in Festis B. M. V.** [191]

**V.** Benedicta tu in mulieribus. **R.** Et benedictus fructus ventris tui.

**Ad Magnif. Añæ.** Maternitas tua, Dei Genitrix Virgo, gaudium annuntiavit universo mundo; ex te enim ortus est sol justitiae, Christus Deus noster.

**Commem. Dominicæ.**

DOMINICA III. OCTOBR.

Puritatis B. M. V.

Duplex majus.

**Omnia ut in Festis B. M. V. per Annum [191] præter sequentia.**

IN I. VESPERIS.

**Añæ et Capitulum ut in Laudibus.** [390]

**Hymnus.**

**P**Ræclara custos Virginum, Intacta Mater Numinis, Cœlestis aulae janua, Spes nostra, cœli gaudium.

Inter rubeta liliū Columba formosissima, Virga e radice germinans Nostro medelam vulneri. Turris draconī impervia, Amica stella naufragis, Tuere nos a fraudibus, Tuaque luce dirige. Erroris umbras discute, Syrtis dolosas amove,

Fluctus tot inter deviiis Tutam reclude semitam. Jesu, tibi sit gloria, Qui natus es de Virgine, Cum Patre, et almo Spiritu, In sempiterna sæcula.

Amen.

**V.** Cum jucunditate Virginitatem beatæ Mariæ semper Virginis celebramus. **R.** Ut ipsa pro nobis intercedat ad Dominum Jesum Christum.

**Ad Magnif. Añæ.** Nihil inquinatum in eam incurrit: candor est lucis æternæ, et speculum sine macula.

**Oratio.**

**D**A quæsumus omnipotens æternæ Deus: ut purissimæ Virginis Mariæ integerrimam Virginitatem festiva celebritate venerantes; ejus intercessionem puritatem mentis et corporis consequamur. Per Dominum nostrum.

**Commem. Dominicæ.**

AD MATUTINUM.

**Invitatorium.** Virginitatem Deiparæ celebramus: \* Christum ejus Filium adoramus Dominum.

**Ps. Venite. 2.****Hymnus.**

**O** Stella Jacob fulgida, O solis instar splendida

Aurora, qua nil purius Refulget inter sidera. Stolis amictæ candidis Tibi catervæ Cœlitum Plaudunt, sacræque Virgines

Laudes perennes concinunt.

Quin obsequentes offerunt Ligustra, et alba lilia: Candor sed horum vincitur

Candore casti pectoris. Nostra Angelorum laudibus

Abjecta tellus assonans Ad astra voces efferat, Et Virginis præconia.

Jesu, tibi sit gloria, Qui natus es de Virgine, Cum Patre, et almo Spiritu,

In sempiterna sæcula. Amen.

IN I. Nocturno.

**V.** Venerunt mihi omnia bona pariter cum illa. **R.** Et innumerabilis honestas per manus illius.

De Canticis Canticorum.

**Lectio j.** **Cap. ij.**

**S**GO flos campi, et liliū convallium. Sicut liliū inter spinas, sic amica mea inter filias. Sicut malus inter ligna silvarum, sic dilectus meus inter filios. Sub umbra illius, quem deside-

ráveram, sedi : et fructus ejus dulcis gútturi meo. Introduxit me in cellam vináriam, ordinávit in me caritátem. Fulcíte me flóribus, stipáte me malis : quia amóre lángueo. Læva ejus sub cápite meo, et dèxtera illius amplexábitur me. Adjúro vos filíæ Jerúsalem, per cápreas, cervósque campórum, ne suscitétis, neque evigiláre faciátis diléctam, quoadúsque ipsa velit. Vox dilécti mei, ecce iste venit sáliens in móntibus, transáliens colles : símilis est diléctus meus cápree, hinulóque cervórum. En ipse stat post paríetem nostrum, respiciens per fenéstas, prospiciens per cancellos. En diléctus meus loquitur mihi : Surge : própera amíca mea, colúmba mea, formósa mea, et veni.

**R.** Diléctus meus mihi, et ego illi, qui páscitur inter lília : \* Pulchra es amíca mea, suávis, et decóra sicut Jerúsalem, terríbilis ut castrórum ácies ordináta. **V.** Una est colúmba mea, perfécta mea : vidé-runt eam filíæ Sion, et beatíssimam prædicavérunt. — Pulchra.

**Lectio ij. Cap. iv.**

**Q**uam pulchra es amíca mea, quam pulchra es! óculi tui columbárum, absque eo, quod intrínsecus latet. Capílli tui sicut greges caprárum, quæ ascenderunt de monte Gálaad. Dentes tui sicut greges tonsárum, quæ ascenderunt de lavácro, omnes geméllis fétibus, et stérilis non est inter eas. Sicut vitta coccínea lábia tua : et elóquium tuum dulce. Sicut fragmen mali púnici, ita genæ tuæ absque eo, quod intrínsecus latet. Sicut turris David collum tuum, quæ ædificáta est cum propugnáculis : mille clypei pendent ex ea, omnis armátúra fórtium. Duo úbera tua, sicut duo hinuli cápree gemélli, qui pascúntur in líliis, donec aspiret dies, et inclinéntur umbræ. Vadam ad montem myrrhæ, et ad collem thuris. Tota pulchra es, amíca mea, et mácula non est in te.

**R.** Surge, própera amíca mea, colúmba mea, formósa mea, et veni : \* Jam hiems tránsiit, imber ábiit, et recessit : flores apparuerunt in terra nostra. **V.** Surgam, et circuibo civitátem,

per vicos et platéas quæram, quem diligit ánima mea. — Jam.

**Lectio iij.**

**V**eni de Líbano sponsa mea, veni de Líbano, veni : coronáberis de cápite Amana, de vértice Sanir et Hermon, de cubilibus leónum, de móntibus pardórum. Vulnerásti cor meum, soror mea sponsa, vulnerásti cor meum in uno oculórum tuórum, et in uno crine colli tui. Quam pulchræ sunt mammæ tuæ, soror mea sponsa! pulchríora sunt úbera tua vino, et odor unguentórum tuórum super ómnia arómata. Favus distíllans lábia tua sponsa, mel et lac sub lingua tua : et odor vestimentórum tuórum sicut odor thuris. Hortus conclusus, soror mea sponsa, hortus conclusus, fons signátus.

**R.** Adjúro vos, filíæ Jerúsalem, si inveníritis diléctum meum, ut nuntiétis ei quia amóre lángueo. \* Qualis est diléctus tuus, o pulcherrima mulierum? **V.** Diléctus meus cándidus, et rubicúndus, eléctus ex míllibus. Talis est diléctus meus, ipse est amícus meus, filíæ Jerúsalem. —

Qualis est. Glória Patri. Qualis est.

**In II. Nocturno.**

**V.** Post partum Virgo invioláta permansísti. **R.** Dei Génitrix intercède pro nobis.

Ex libro sancti Ambrósii Epíscopi de Virgínibus.

**Lectio iv. Lib. 2. post init.**

**S**IT vobis tamquam in imáagine descripta virgíntas vítaque beátæ Mariæ, de qua, velut in spéculo, refúlget spécies castitátis, et forma virtútis. Hinc sumátis licet exémpla vivéndi, ubi tamquam in exemplári magistéria expréssa probitátis, quid corrigere, quid effúgere, quid tenere debeátis, osténdunt. Primus discéndi ardor nobílitas est magístri. Quid nobílius Dei Matre? Quid splendídus ea, quam splendor elégit? Quid castius ea, quæ corpus sine córporis contagióne generávit?

**R.** Beatíssima Virgo Maria, hortus conclusus, fons signátus, Regína Angelórum, Dómina mundi, \* Per quam Deus descéndit in terras, ut hómines ascéndere mereréntur ad cœlos. **V.** Ad te clamámus

éxsules filii Hevæ : recordare nostri sanctissima Virgo. — Per quam.

**Lectio v.**

**D**E céteris ejus virtutibus quid loquar? Virgo erat non solum corpore, sed étiam mente, quæ nullo doli ámbitu sincerum adulteráret afféctum. Corde húmilis, verbis gravis, ánimo prudens, loquéndi párcior, legéndi studiósior, non in incérto divitiárum, sed in prece páuperis spem repónens; inténta óperi, verecúnda sermóne, árbítrum mentis sólita non hóminem, sed Deum quærere, nullum lædere, bene velle ómnibus, fúgere jactántiam, ratióne sequi, amáre virtútem.

✠. Beáta María tantæ éxstitit puritátis, ut Mater Dómini esse mererétur. \* Deus quam elégerat creávit; de qua crearétur elégit. ✠. Ipsa est stella ex Jacob, cujus rádius univérsum orbem illúminat. — Deus.

Ex S. Petro Chrysólogo.  
**Lectio vj. Sermon. cxliij.**

**H**ÆC dedit cœlis glóriam, terris Deum, fidem Géntibus, finem vitiiis, vitæ órđinem, móri-

bus disciplinam. Grátiam, quam détulit Angelus, accépit Virgo, salutem sæculis redditúra. Vere benedicta Virgo, quæ et virginitátis pössidet decus, et matris dignitatem: vere benedicta, quæ et supérni concéptus méruit grátiam, et servávit integritátis corónam. Vere benedicta, quæ et divini gérminis suscepit glóriam, et regína éxstitit totius castitátis.

✠. Quómodo fiet istud, quóniam virum non cognóscó? Spíritus sanctus supervéniet in te: \* Et virtus Altíssimi obumbrábit tibi, ideóque \* Quod nascétur ex te Sanctum, vocábitur Fílius Dei. ✠. Dixit autem María: Ecce ancilla Dómini, fiat mihi secúndum verbum tuum. — Et virtus. Glória Patri. Quod.

**In III. Nocturno.**

✠ Invenísti grátiam apud Deum. ✠. Sancta Dei Génitrix, Virgo immaculáta. Lécio sancti Evangélii secúndum Lucam.

**Lectio vij. Cap. j. c**  
**I**n illo témpore: Missus est Angelus Gábriel a Deo in civitátem Galilææ,

cui nomen Názareth, ad virgíne desponsátam viro. Et réliqua.

Homília sancti Bernárdi Abbátis.

**Homil. ij. super Missus est.**

**M**OVUM cánticum illud, quod solis dábitur in regno Dei cantáre virgínibus, ipsam virgínem Regínam, imo primam inter céteras esse cantatúram, nemo est qui ámbigat. Puto autem illam, præter illud quod solis licet, cum ómnibus tamen virgínibus ei, ut dixi, commúne erit, dulcióri quodam atque elegantíori cármine lætificatúram esse civitátem Dei. Hujus itaque dulcisonos deprómere vel exprímere módulos ne ipsárum quidem virgínem ulla digna inveniétur, quia mérito decantándum servábitur illi, quæ sola de partu, et partu divíno gloriátur. Gloriátur, dixi, de partu, non in se, sed in ipso, quem péperit. Deus siquidem, (Deus enim est quem péperit) Matrem suam singulári in cœlestibus donatúrus glória, singulári in terris prævenire curávit et grátia, qua videlicet ineffábiliter et in-

tácta concíperet, et páret incorrúpta.

✠. Egrediétur virga de radíce Jesse, et flos de radíce ejus ascéndet: \* Ecce Virgo concípíet, et páriet Fílium, et vocábitur nomen ejus Emmánuel. ✠. Joseph, fili David, noli timére accíperere Mariam cónjugem tuam: quod enim in ea natum est, de Spíritu sancto est. — Ecce Virgo.

**Lectio viij.**

**D**EUM hujusmodi decébat natívitas, quæ nonnisi de Virgíne nascerétur. Talis congruébat et Virgíni partus, ut non páreret, nisi Deum. Proinde factor hóminum, ut homo fieret, nascitúrus de hómine, talem sibi ex ómnibus débuit delígere, imo cóndere Matrem, qualem et se decére sciébat, et sibi nóverat placitúram. Vóluit itaque esse Virgíne, de qua immaculáta immaculátus procederet, ómnium máculas purgatúrus. Vóluit et húmílem, de qua mitis et húmílis corde prodíret, harum in se virtútum necessárium ómnibus saluberrímumque exéplum ostensúrus. Dedit Virgíni partum, qui ei jam ante et

virginitatis inspiraverat votum, et humilitatis prerogaverat meritum. Ut igitur, quae Sanctum sanctorum conceptura erat pariter, et paritura, sancta esset corpore, accepit donum virginitatis; ut esset et mente, accepit donum humilitatis.

¶ O admirabilem et omni honore dignissimam Virginem! O feminam singulariter venerandam, super omnes feminas admirabilem, parentum reparatricem, posterorum vivificatricem! Missus est Angelus ad virginem, virginem carne, virginem mente, virginem professione, virginem denique, qualem describit Apostolus, mente et corpore sanctam; nec noviter, nec fortuito inventam, sed a saeculo electam, ab Altissimo praecognitam, et sibi preparatam, ab Angelis servatam, a Patribus praefiguratam, a Prophetis promissam.

℞. Beata Dei Genitrix Maria, templum Domini, sacrarium Spiritus sancti: \* Sola sine exemplo placuisti Domino nostro Jesu Christo. ℣. Genuisti qui te fecit, et in aeternum per-

manes Virgo. — Sola. Gloria Patri. Sola.

Lectio ix. de Homilia Dominicae.

AD LAUDES,  
et per Horas, Añae.

1. Sicut liliū \* inter spinas, sic amica mea inter filias.

2. Dilēctus meus mihi, \* et ego illi, qui pascitur inter lilia.

3. Quam pulchra es, \* amica mea, quam pulchra es.

4. Una est colūmba mea, perfecta mea.

5. Vidērunt eam \* filiae Sion, et beatissimam praedicaverunt.

Capitulum. Sap. cap. iv.

Quam pulchra est casta generatio cum claritate: immortalis est enim memoria illius: quoniam et apud Deum nota est, et apud homines.

Hymnus.

O Gloriosa Virginum, Sublimis inter sidera, Qui te creavit, parvulum Lactente nutris ubere.

Quod Heva tristis abstulit,

Tu reddis almo germine: Intrent ut astra flébiles, Caeli reclúdis cárdines.

Tu Regis alti janua, Et aula lucis fúlgida:

Vitam datam per Virginem Gentes redemptae plaudite.

Jesu, tibi sit gloria, Qui natus es de Virgine, Cum Patre, et almo Spiritu,

In sempiterna saecula.

Amen.

℣. Spécie tua et pulchritudine tua. ℞. Intende, prospere procede, et regna.

Ad Bened. Añae. Sancta et immaculata Mariae Virginitas, quibus te laudibus efferam nescio, quia per te Redemptorem nostrum suscepimus Dominum nostrum Jesum Christum.

Oratio.

DA quaesumus omnipotens aeternae Deus: ut purissimae Virginis Mariae integerrimam Virginitatem festiva celebritate venerantes; ejus intercessionem puritatem mentis et corporis consequamur. Per Dominum nostrum.

Comm. Domin. occur.

AD TERTIAM.

Capit. ut ad Laudes.

℞. br. Spécie tua, \* Et pulchritudine tua. Spécie. ℣. Intende, prospere procede, et regna. Et pulchritudine. Gloria. Spécie.

℣. Adjuvabit eam Deus vultu suo. ℞. Deus in medio ejus, non commovebitur.

AD SEXTAM.

Capitulum. Eccli. xxiv. b

ET sic in Sion firmata sum, et in civitate sanctificata similiter requievi, et in Jerusalem potestas mea. Et radicaui in populo honorificato, et in parte Dei mei hereditas illius, et in plenitudine sanctorum detentio mea.

℞. br. Adjuvabit eam, \* Deus vultu suo. Adjuvabit. ℣. Deus in medio ejus, non commovebitur. Deus. Gloria Patri. Adjuvabit.

℣. Elegit eam Deus, et praelégit eam. ℞. In tabernaculo suo habitare facit eam.

AD NONAM.

Capitulum. Eccli. xxiv. b

IN platéis sicut cinnamomum, et balsamum aromatizans odorem dedi: quasi myrrha electa dedi suavitatem odoris.

℞. br. Elegit eam Deus, \* Et praelégit eam. Elegit. ℣. In tabernaculo suo habitare facit eam. Et praelégit. Gloria. Elegit.

℣. Diffusa est gratia in labiis tuis. ℞. Propterea benedixit te Deus in aeternum.

## IN II. VESPERIS.

*Añæ et Capit. ut in Laudibus.* [390] *Psalmi ut in Festis B. M. V.* [191]

*Hymn. ut in j. Vesp.* [384]

✠ Cum jucunditate Virginitatem beatæ Mariæ semper Virginis celebrémus. ✠ Ut ipsa pro nobis intercédât ad Dóminum Jesum Christum.

*Ad Magnif. Aña.* Beata Dei Génitrix María, Virgo perpétua, sacrarium Spíritus sancti, sola sine exémplo placuisti Dómino nostro Jesu Christo.

*Commem. Dominicæ.*

DOMIN. IV. OCTOBRIS.

SS. Reliquiarum.

*Duplex.*

*Omnia de Communi plurimorum Martyrum* [49] *præter sequentia.*

*Oratio.*

**A**uge in nobis Dómine resurrectionis fidem, qui in Sanctórum tuórum reliquiis mirabilia operáris: et fac nos immortalis glóriæ participes, cujus in eórum cinéribus pignora venerámur. Per Dóminum nostrum.

*In j. Nocturno, Lectiones de Scriptura occurrente. Si duplex majus. Fratres, Debitóres. de Comm.* [53]

## IN II. Nocturno.

Ex Tractátu sancti Joánis Damascéni de fide orthodoxa.

*LECTIO IV.*

*Libro 4. cap. xvj.*

**C**hristus Dóminus Sanctórum reliquias velut salutaris fontes præbuit, ex quibus plúrima nobis beneficia manant, suavissimumque unguentum profluit. Nec vero quisquam huic sermóni fidem detrahat; nam si aqua in deserto ex áspera et sólida rupe, atque ex ásini maxilla ad sedándam Samsónis sitim, Deo ita volente, prosiliit, eritne, cur cuiquam incredibile videatur, ex Mátyrum reliquiis suave unguentum scaturire? Mínime certe; iis quidem, quibus Dei potentia honórque, quo Sanctos suos áfficit, perspéctus et explorátus est. Atque illud quidem véteri lege comparátum erat, ut quisquis mórtuum contigisset, immúndus censeretur; verum hi in mortuórum número mínime habéendi sunt.

✠ Sancti tui Dómine mirábile consecúti sunt iter, serviéntes præcéptis

tuis, ut inveniréntur illæsi in aquis válidis: \* Terra apparuit árida: et in Mari rubro via sine impediménto. ✠ Quóniam percússit petram, et fluxérunt aquæ, et torréntes inundavérunt. — Terra.

*LECTIO V.*

**E**X quo enim ipsa meta vita, ac vitæ auctor inter mórtuos ascriptus est, eos, qui in spe resurrectionis fideique erga eum diem extrémum clausérunt, mórtuos haudquam appellámus. Quí enim mórtuum corpus mirácula édere queat? Per ea dæmones expellúntur, morbi profligántur, ægróti sanántur, cæci prospiciunt, leprósi mundántur, tentationes ac mœrôres discutíuntur, ac dénique omne donum óptimum a Patre lúminum, eórum ópera ad eos, qui fide mínime dúbia póstulant, descendit. Quid non labóris suscipias, ut patrónum quemdam nanciscáris, qui te mortáli regi offerat, ac tuo nómine ad eum verba fáciat? An non ígitur hi honorándi sunt, qui totíus humáni géneris patrónos se profiténtur, ac Deo nostra causa súpplicant?

✠. Vërbera carníficum non timuérunt sancti Dei, moriéntes pro Christi nómine: \* Ut herédes fierent in domo Dómini. ✠. Tradidérunt córpora sua propter Deum ad supplicia. — Ut herédes.

*LECTIO VI.*

**H**onorándi certe, et quidem ita, ut in eórum nómine templa Deo extruámus, dona offerámus, eórum memóriam colámus, atque in ea spiritaliter oblectémur; quo nimirum lætítia nostra iis, a quibus invitámur, congruat, ne, dum eos colere et demeréri studémus, offendámus pótius, et irritémus. Quibus enim rebus Deus colitur, iisdem quoque servi ipsius oblectántur; quibus autem Deus offénditur, iisdem étiam ipsius mílites offénduntur. Quocírca in psalmis, et hymnis et cánticis spiritalibus, et compunctiône, et eórum, qui in egestate versántur, commiseratióne, quibus obséquii Deus potíssimum conciliátur, Sanctos colámus: státuas ipsis et visibiles imágenes erigámus: imo ipsi virtútibz eórum imitándis hoc consequámur, ut vivæ eó-

rum státuæ atque imágin-  
es simus.

✠. Tamquam aurum. [57]  
In iij. Nocturno, Homil.  
Advérte ómnia. de Com-  
muni ij. loco. [67]

DOMIN. II. NOVEMBRIS.  
Patrocinii B. M. V.  
Duplex majus.

—\*— **Festa sira.** —\*—

DIE IV. SEPTEMBRIS.  
S. Rosæ Viterbiensis  
Virg. Duplex.

Omnia de Communi Vir-  
ginum [122] præter seq.  
Oratio.

**D**Eus, qui beátam Ro-  
sam sanctárum tuá-  
rum Virginum collégio  
aggregáre dignátus es :  
tribue nobis quæsumus ;  
ut ejus précibus et méri-  
tis a culpis ómnibus expi-  
emur, et tuæ majestá-  
tis consórtio perfruámur  
ætérno. Per Dóminum.

In j. Nocturno, Lectiones  
de Scriptura occurrente.

In II. Nocturno.

Lectio iv.

**R**osa Vitérbii piis pa-  
réntibus nata, ab  
ipsa infántia omni  
virtúte enítuit, facta per-  
fectiónis magistra, cum  
vix loqui didicisset. Mun-

Omnia ut in Festis B. M. V.  
per Annum. [191]

Aña ad Magnif. in j. Vesp-  
eris et ✠. vij. ad Matu-  
tinum terminantur his  
verbis : tuum sanctum  
patrocínium.

Lectio ix. de Homil. Dom.  
et fit Commem. ejusdem  
in utrisque Vesp. et Laud.

di exósa vanitátes, rudi  
amíctu, pedum nuditáte,  
cilício, jejúniis, aliisque  
austeritátibus corpúscu-  
lum affligens, divínæ con-  
templatióni júgiter vacá-  
bat. Hanc vero exímiam  
sanctitátem insígni mirá-  
culo Deus testátam vóluit ;  
nam adhuc puélla avún-  
culam defúctam ad vi-  
tam revocávit. Ad virgi-  
nitátem, quam perpétuo  
cóluit, solo aspéctu in-  
tuéntium ánimos excitá-  
bat. Caritátis erga páupe-  
res studiosíssima, cum  
aliquándo hibérno tém-  
pore subtráctum sibi pa-  
nem clam illis deférret,  
patre imperánte, ut pró-  
deret quid in grémio abs-  
cónditum ferret, panis in  
rosas convérsus est.

✠. Propter veritátem, et  
mansuetúdinem, et justí-

tiam : \* Et dedúcet te  
mirabiliter dextera tua.  
✠. Spécie tua et pulchri-  
túdi-ne tua, inténde, pró-  
spere procéde, et regna.  
— Et dedúcet.

Lectio v.

**C**UM séptimum explés-  
set annum, solitúdi-  
nis desidério flagrans, do-  
mus suæ angústam céllu-  
lam elégit, cui se tamquam  
voluntário cárceri inclú-  
sit, et oratióni corporisque  
castigatióni ardéter in-  
cumbens, Dei cleméntiam  
deprecabátur pro sanctæ  
Ecclesiæ tranquillitáte,  
quam Frideríci secúndi  
imperatóris impietas acér-  
rime divexábat. Ex diúti-  
na autem maceratióne in  
morbum lethálem incidit,  
in quo beátæ Virgínis vi-  
sitatióne recreáta, hábi-  
tum tértii órdis sancti  
Francisci indúere jussa  
est. Decénis a Deo in-  
spiráta, piis adhortatió-  
nibus validisque argu-  
méntis multos hæreticos  
ad fidem et obediéntiam  
Románi Pontíficis redú-  
xit. Qua de causa cum  
tota cognatióne sua in  
exsílium ejectione, ad vicína  
óppida venit, ubi Friderí-  
ci mortem, et Ecclesiæ  
pacem prophético spirítu

prædixit. Mulierem cæ-  
cam a nativitate illumina-  
vit, et ad fidei veritátem  
astruendam, succensum  
rogum ingressa, ac tribus  
horis in eo illæsa perma-  
nens, cujúsdam hæreticæ  
mulieris pervicáciam vic-  
cit, eámque cum aliis ad  
fidem convertit.

✠. Dilexisti justítiam, et  
odisti iniquitátem : \* Pro-  
pterea unxit te Deus, Deus  
tuus óleo lætitiæ. ✠. Pro-  
pter veritátem, et mansue-  
túdinem, et justítiam. —  
Propterea.

Lectio vj.

**T**Andem Vitérbium  
summa civium gra-  
tulatióne reversa, in con-  
sórtium sanctimoniárum  
sanctæ Mariæ de Rosis  
admitti pétiit : sed illis in-  
gressum ob puéllæ in-  
ópíam denegántibus, se  
mórtuam in eo cenóbio  
commoratúram prædixit.  
Mox ad pristinum domus  
suæ cárcerem regréssa,  
cum in ea duóbus annis  
permansisset, morbo cor-  
répta, et ad beátam pá-  
triam suspirans, méritis  
plena migrávit ad spon-  
sum, décimo octávo suæ  
vitæ anno nondum exácto.  
Corpus ejus miro splen-  
dóre illustrátum, suavi-

que odóre perfúsum, in templo sanctæ Mariæ de Pódio effóssa humo, ac desuper ingésta, tumulátum fuit, donec post triginta circiter menses ab Alexádro quarto, tunc Vitérbii sedénte, et in somnis ter ab ea admónito refóssum et incorruptum repértum, pridie Nonas Septémbris ad præfátum monastérium, quod póstea sanctæ Rosæ nuncupátum est, solémniter translátum fuit: ubi usque ad hodiérnam diem íntegram, et flexíbile summa totíus orbis admiratióne asservátur, et novis semper miráculis corúscat.

**R.** Afferéntur. [133]

In *iiij. Nocturno, Homilia.*  
Sæpe vos, fratres. *ut in Communi.* [136]

EADEM DIE IV. SEPT.

**S. Rosaliæ Virginis. Panormitanæ.**

**Semiduplex.**

**Omnia de Communi Virginum** [122] *præter sequentia.*

**Oratio.**

**E**Xáudi nos Deus salutaris noster: ut sicut de beátæ Rosaliæ Virginis tuæ festivitáte gaudémus; ita piæ devotiónis erudiámur

affléctu, et ejus intercessiÓne ab iracúndiæ tuæ flagéllis misericórditer liberémur. Per Dóminum.

**Pro regno Siciliae, alia Oratio.**

**D**Eus, qui beátam Rosáliam Virgínam e regálibus mundi deliciis in móntium solitúdinem transtulisti: concéde propítius, ut ejus méritis et patrocínio a sæculi voluptátibus in cœlestium amórem transferámur, et ab iracúndiæ tuæ flagéllis misericórditer liberémur. Per Dóminum nostrum.

**In j. Nocturno, Lectiones de Scriptura occurrente.**

**In II. Nocturno.**

**LECTIO I<sup>a</sup>.**

**R**osalía virgo, orta Panórmi, ex nóbili gènere suam originem trahens a Cárolo Magno, in Quisquinæ montem quadraginta circiter mille pássibus distántem sola secédens, patrénæ domus opes, delicias, ac spem majóris amplitúdinis ob propínquitatem et benevoléntiam regum Siciliae contémnens, cum tetricæ rupis horróre et asperitáte commutávit: inque antrum, cui tunc

únicus, et quidem angústus áditus e superiori loco patébat, intrépide descendit ea mente, quam caractéribus saxo insculptis adhuc paténtibus expressit: Ego Rosália Sinibáldi Quisquinæ et Rosárum dómni filia, amóre Dómni mei Jesu Christi in hoc antro habitare decrevi. Qua inscriptiÓne oculis observánte, susceptæ vitæ propósitum áltius cordi infigere, ac divínæ benevoléntiæ signa ad castíssimæ mentis blandiménta vicíssim provocáre consuévit.

**R.** Propter veritátem, et mansuetúdinem, et justítiam: \* Et dedúcet te mirábiliter dextera tua. **V.** Spécie tua et pulchritúdine tua, inténde, prospere procéde, et regna. — Et.

**LECTIO II<sup>a</sup>.**

**I**N hac specu subterrânea sibi et mundo emórtua, consepúltaque Jesu Christo, ut soli Deo viveret, diu noctúque láruit, cavens præcípue in móntibus patréni principátus, ne forte ágnita in domum urbémque pátriam abducerétur invita. Cállidas dæmonum insídias, quæ ásperæ vitæ tæ-

dium et solitúdinis horrórem ánimo ingerébant, ácritèr sæviéndo in se férrea caténa, vigíliis et humi cubatiÓne forti ánimo superásse antiquæ icónes significant: cumque humanis destitúta præsídiis, nihil solátii aliúnde hauriret, quam e cœlo; Dóminus, qui consolátur et coronat Sanctos suos, angélicis deliciis illam sæpius recreábat.

**R.** Dilexisti justítiam, et odisti iniquitátem: \* Propterea unxit te Deus, Deus tuus óleo lætítiæ. **V.** Propter veritátem, et mansuetúdinem, et justítiam. — Propterea.

**LECTIO III<sup>a</sup>.**

**C**ELÉsti deinde consilio ex antro Quisquinénsi in horridiÓrem spelúncam Peregrini montis tribus fere mille pássibus procul Panórmo Rosália se transtulit, ut quo difficiliÓrem pugnam secum ipsa committeret e conspéctu domus patrénæ, eo laudabilius de contéptis mundi illécebris triumpháret. Latébat ibi ad partem lævam angústus cóncavus, quem éadem post repértas ejus reli-